

3

# تورک پوری

Yd: 3

Page: 3 (51)

17/Esruinovel 1329

اون بکس کونده بر جیقار

تورکلرک فائده سنه چالیشیر

حاجی کمال، ۹۱۲ ده وجوده کتیردیکی اثرنده عاشق پاشانک برچوق غزللری  
یونسه نظیره اولارق قید ایدیورکه، بوجهت، اوقیدک مفقودیتی حالده بیله کال  
سهولته آکلاشیلا بیلیردی. عاشق پاشانی تدقیق ایده رکن، بومشاهتلی امله  
لازمه سیله ایضاح و تشریح ایتک طبعیدر. عاشق پاشان صوکر، اورخان دوری  
مشایخندن «آبدال موسی» نك خلیفه سی، دیوان صاحبی مشهور بکتابشی درویشی  
«قایغوسز بابا»، «شیاء حمزه»، «اشرف رومی»، «امی سنن»، «حاجی  
بایرام ولی»، «سنبل افندی»، «نیازی مصری»، «هاشم بابا» کی تکیه  
ادبیاتنک ائک مهم مثللی، تامیله یونسی تقلید ایتدیلر. خلق ادبیاتمک مهم بر  
قسمی اولان تکیه ادبیاتنده روح و شکل اعتباریله بوقدر مؤثر و پایدار بر قفوذ  
اجرا ایتدیکی ایچون بومی فقط پرهیجان تورک درویشی، آناطولی تورک لری  
ائک بویوک خلق شاعر متصوفی عد ایتکده حقیقیر:

یونس اولدی ایسه آدم نه عجب،  
اوقویه لر بونم دیوانی!

کوبریلی زاده محمد فؤاد



## تاریخ و آثار عیفة

غباری (عبدالرحمن بن عبدالله)

متصوفانه اشعار یازان اسکی عثمانلی شاعر لرندن فاضل و عارف و زماننده  
متداول علومک اکثرینه واقف متقن بر ذات اولوب (آق شهر) لیدر.  
تحصیلنک بدایتی مملکتنده نهایتی (استانبول) ده اکال ایله دکن صوکره  
طریق نقشبندی کبراسندن (شیخ احمد بخاری) زاویه داری (شیخ عبداللطیف)  
افندی یه انتساب ایده رک بویولده حاصل ایتدیکی عشق و محبت ساقه سیله

اختيار سياحت ايله يوب بر مدت (مكه مكرمه) ده مجاورت ايله دى . عودتنده  
(سلطان بايزيد) ثانى شهزاده لرندن (اورخان) ه معلم تعيين اولونه رق بر زمان  
تدریس وظیفه سیله اشتغال ایتدی . و (قانونی سلطان سلیمان) زماننده کتابت  
خدمتینه (عراقین) سفرنده و عودتنده صرّه هایون قاضی اکنده بولونه رق  
بو وجهله قلمی و دینی خدمات ایفاسنه موفق اولدی . و عمرینک صوگ زمانلری  
آرزوسی وجهله مجاورتله (مكه مكرمه) ده کچیردک (اقال الله عشاره) ترکینک  
ناطق اولدیغی (۹۷۴) تاریخنده دار بقایه کیتدی . صنعت خطده منتسب  
اولوب خطوط اسلامیه دن ثلث و نسخی قبله الکتاب (آماسیه لی شیخ حمد الله) ک  
مخدومی خطاط مشهور (مصطفی دوده) دن تمشق ایتشدیر . خطوط اسلامیه  
جمله سندن اولان (غبار) دینیلن خطده طور مخصوص صاحبی اولوشی ده  
(غباری) تخلصنه بادی اولمشدی .

مشهور ترجیع بندینک متصوفانه بریلتی :

غافل اوله کوزوک آچ عالم کبراسین سن  
سدره ولوح و قلم عرش معلا سین سن

(عراقین) سفری اثناسنده انشاد ایلهدیکی بر منظومه سندن :

غباری مقدم شاهیدن ایسترسه ک خبر آلق  
غبار اول یولار اوستونده کلندن صور کیدندن صور

اثنای تحصیلنده ساکن اولدیغی (شیخ وفا) مدرسه سنده سویله دیکی

بیت مشهوری :

سرکوی وفانک خاکساری  
آیاقلر ظویراغی یعنی غباری

فخریه شاعرانه سندن :

ای غباری بو جهان ایچره بنم  
کیمسه اشعاریمه تیز قوندوره ماز

مکر اول کاتب مستعجل کیم  
خط شعرم قورویونجه دوره ماز

## آثار قلمی سی :

۱. سلیمان نامه: قانونی سلطان سلیمان وقایعی حاکی فارسی عبارتہ تاریخی بر اثر در . بر نسخه سی ( مغنیا ) ده ( مرادیه ) کتبخانه سنده واردر .
۲. سبتانہ ضیال نظیرہ سی: ایران شاعر لرندن ( فتاحی نیشابوری ) نک منظومہ سنہ نظیرہ، ادبی بر اثر در .
۳. مسامات نامہ: کعبہ معظمہ ایله حرم شریفک مساحتہ دائر اولوب بر نسخه سی ( آیاصوفیہ ) جامع شریفندہ کی سلطان محمود اول کتبخانه سنده واردر .
۴. کعبہ نامہ: کعبہ شریفہ مدایجنہ دائر وشاعرانہ بر منظومہ در . بر نسخه سی ( مغنیا ) ده ( جاشنیکیر ) کتبخانه سنده واردر .
۵. یوسف دزلیمنا: مولانا ( جامی ) نک یوسف وزلیخا وقایعہ دائر یازدینی اثر منظومہ نظیرہ در .

بروسہ لی محمد خان



اسکی اثر لریمز

## رسالة فی فضائل الاتراك

( باشی ۳ نجی بیلیک ۲ نجی صایسنده )

خارجینک حربک باشلانغجندہ، خراسانینک حربک صوگندہ برقصوزلری واردر . خارجی صفیر قارشو قارشویہ کلدیکی زمان ابتداء بر جولان گوستریسده بر دفعهده یوز دوندیره جک اولورسه هزیمتی دیمکدر . عسکری مخاطریه القا و دشمنه امید ویردکدنصکره تکرار هجوم ایتدکاری اولورسهده ایش ایشدن کچمش بولتور . خلاصه خارجی بر دفعه دوندیمی دونر شایان ذکر تکراری یوقدر .

تورک ایسه ابتداء خراسانلی کی جولان گوسترمزسدهده دونه جک اولورسه نود واولوم صاچار . چونکه ایلو حرکتده کی کی گری دونرکن دخی اوقیله وورور وکندندن امین اولتماز .